

Na osnovu člana 16. stav 1. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), člana 38. i člana 39. Zakona o plaćama i naknadama u organima vlasti Zeničko-dobojskog kantona („Službene novine Zeničko-dobojskog kantona“, broj: 1/18, 10/19 i 11/19), Vlada Zeničko-dobojskog kantona, na 119. sjednici, održanoj dana 01.09.2021. godine, d o n o s i

U R E D B U

o izmjenama i dopuni Uredbe o načinu, uslovima osnivanja i utvrđivanju visine naknade za rad komisija koje osniva Vlada Zeničko-dobojskog kantona i rukovodilac kantonalnog organa državne službe

Član 1.

(Izmjena člana 3.)

U Uredbi o načinu, uslovima osnivanja i utvrđivanju visine naknade za rad komisija koje osniva Vlada Zeničko-dobojskog kantona i rukovodilac kantonalnog organa državne službe („Službene novine Zeničko-dobojskog kantona“, broj: 20/20), u članu 3. stav (1) tačka (c) riječi: „uz saglasnost Vlade“ se brišu.

Član 2.

(Dopuna člana 9.)

U članu 9 stav (2) iza riječi „potraživanja“ dodaju se riječi „te član prvostepene disciplinske komisije i član komisije za sređivanje i popis registraturne građe“.

Član 3.

(Izmjena člana 10.)

(1) Član 10. stav (1) mijenja se i glasi: „Član komisije Vlade, odnosno organa državne službe ostvaruje pravo na naknadu za rad u komisiji koja se isplaćuje iz sredstava Budžeta Zeničko-dobojskog kantona, u visini koju utvrđuje rukovodilac kantonalnog organa državne službe svojim rješenjem, pod uslovom da je održana najmanje jedna sjednica komisije u toku mjeseca, s tim da mjesečni neto-iznos naknade, po članu komisije i po svim osnovama, nezavisno od broja angažmana u komisijama, ne može iznositi više od visine jedne i pol (1,5) osnovice za obračun plaće za zaposlene u Zeničko-dobojskom kantonu na koje se primjenjuje Zakon o plaćama i naknadama u organima vlasti u Zeničko-dobojskom kantonu („Službene novine Zeničko-dobojskog kantona“, broj: 1/18, 10/19 i 11/19).

(2) Stav (7) se briše a dosadašnji stav (8) postaje stav (7).

Član 4.

(Postupanje po ranijem propisu)

Svi poslovi i zadaci, koji do dana stupanja na snagu ove uredbe nisu pravosnažno okončani završit će se po odredbama Uredbe o načinu, uslovima osnivanja i utvrđivanju visine naknade za rad komisija koje osniva Vlada Zeničko-dobojskog kantona i rukovodilac kantonalnog organa državne službe („Službene novine Zeničko-dobojskog kantona“, broj: 20/20).

Član 5.
(Stupanje na snagu)

Ova uredba stupa na snagu osmog dana od dana objavljivanja u “Službenim novinama Zeničko-dobojskog kantona”.

PREMIJER

Mirnes Bašić

Broj: 02-11-11912/21

Datum, 01.09.2021. godine

Zenica

DOSTAVLJENO:

1x Ministarstvo za pravosuđe i upravu,

1x Svim ministarstvima i drugim tijelima kantonalne uprave,

1x Stručna služba Vlade - web stranica Zeničko-dobojskog kantona,

1x „Službene novine Zeničko-dobojskog kantona“,

1x a/a.